

холда, Жамият Кузатув кенгаши Раисининг овози хал этувчи ҳисобланади.

- 8.11. Акциядорларнинг умумий йиғилиш қарорига кўра Жамият Кузатув кенгашининг аъзоларига, уларнинг ўз вазифаларини бажариш вақтида уларга маош, мукофот ёки Кузатув кенгаш аъзолари вазифаларини бажариш билан боғлиқ бўлган харажатларни қоплаш учун пул тўланади.
- 8.12. Агарда жамиятга давлат улушини бошқариш бўйича давлатнинг ишончли вакили тайинланган тақдирда у кузатув кенгаши аъзолигига киритилиши шарт. Кузатув кенгашига сайланган ишончли вакили ваколоти тўхтатилиб унинг ўрнига бошқа шахс тайинланган тақдирда янги вакил кузатув кенгашида ваколоти тўхтатилган вакилнинг ўрнини эгаллайди. Кузатув кенгаши аъзолигига кириш учун янги вакилни тайинлаш тўғрисида Республика комиссиясининг қароридан ва Давлат мулки қўмитаси билан тузилган шартномадан нусхалар илова қилинган мурожаат кифоя бўлади.
- 8.13. Жамият Кузатув кенгаши Жамиятнинг «Кузатув кенгаши тўғрисида»ги Низом асосида иш олиб боради.

## **9. ЖАМИЯТНИНГ ИЖРОИЯ ОРГАНИ**

- 9.1. Жамиятнинг кундалик фаолиятига раҳбарлик яқкабошчилик асосидаги Ижроия органи – Бош директор томонидан амалга оширилади.
- 9.2. Бош директор Жамиятнинг кундалик фаолиятини бошқаради ва оператив раҳбарликни Ўзбекистон Республикаси қонунчилиги, Жамият Устави, Акциядорлар умумий йиғилиши ва Кузатув кенгашининг қарорларига мувофиқ амалга оширади.
- 9.3. Бош директор Акциядорлар умумий йиғилиши ва Кузатув кенгашига ҳисобот беради.
- 9.4. Бош директор Акциядорлар умумий йиғилиши томонидан сайланади (тайинланади) ва у билан меҳнат шартномасини Жамият номидан Кузатув кенгаши раиси имзолайди.
- 9.5. Бош директор лавозимига Кузатув кенгашининг қарорига биноан Ўзбекистон ва хорижий менежерлар орасида танлов эълон қилиниши мумкин. Унинг шартлари Кузатув кенгаши томонидан белгиланади.
- 9.6. Бош директорга тўланадиган ҳақ миқдори Жамият фаолиятининг самарадорлигига тўғридан-тўғри боғлиқ бўлиб, меҳнат шартномасида белгиланади.
- 9.7. Бош директорнинг ваколатларига Жамиятнинг кундалик фаолиятига раҳбарлик қилишга доир барча масалалар киради, Акциядорлар умумий йиғилиши ва Кузатув кенгашининг ваколатларига киритилган масалалар бундан мустасно.
- 9.8. Бош директор Акциядорлар умумий йиғилиши ва Кузатув кенгашининг қарорлари бажарилишини ташкил этади.